

四庫全書

子部

欽定四庫全書

子部

遵生八牋卷十三

詳校官中書臣潘有為

員外郎臣牛稔文覆勘

總校官檢討臣何思鈞

校對官典簿臣郭祚熾

謄錄監生臣楊其梓

欽定四庫全書

遵生八牋卷十三

飲饌服食牋下

明高濂撰

甜食類

五十八種

起糖滴法

凡做甜食先起糖油此內府秘方也

白糖十斤

或多或少任意今以十斤爲率

用行竈安大鍋先用涼水二

杓半若杓小糖多斟酌加水在鍋內用木爬攪碎微火

一滾用牛乳另調水二杓點之如無牛乳雞子清調水亦可但滾起即點却抽柴息火蓋鍋悶一頓飯時揭開鍋將竈內一邊燒火待一邊滾但滾即點數滾如此點之糖內泥泡沫滾在一邊將漏杓撈出泥泡鍋邊滾的沫子又恐焦了將刷兒蘸前調的水頻刷第二次再滾的泥泡聚在一邊將漏杓撈出第三次用緊火將白水點滾處沫子牛乳滾在一邊聚一頓飯時沫子撈得乾淨黑沫去盡白花見方好用淨綿布濾過入瓶凡家伙

俱要潔淨怕油膩不潔凡做甜食若用黑沙糖先須不拘多少入鍋熬大滾用細夏布濾過方好作用白糖霜預先晒乾方可

炒麪方

白麪要重羅三次將入大鍋內以木爬炒得大熟上卓古轆槌碾細再羅一次方好做甜食凡用酥油須要新鮮如陳了不堪用矣

松子餅方

松子餅計一料 酥油六兩 白糖滷六兩 白麩一  
觔 先將酥化開溫入瓦合內傾入糖滷擦勻次將白  
麩和之揉擦勻淨置卓上捍平用銅圈印成餅子上栽  
松仁入拖盤燻燥用

麩和油法

不拘觔兩用小鍋糖滷用二杓隨意多少酥油下小鍋  
煎過細布濾淨用生麩隨手下不稀不稠用小爬兒炒  
至麩熟方好 先將糖滷熬得有絲棍蘸起視之可斟

酌傾入油麪鍋內打勻掇起鍋乘熱撥在案捍開切象眼塊

松子海囉幹方

核桃仁瓜仁同用

糖滷入小鍋熬一頓飯時攪冷隨手下炒麪後下剉碎松子仁攪勻案上抹酥油撥在案上捍開切象眼塊子凡切塊要乘溫切若冷硬難切恐碎

白閏方

糖滷少加酥油同熬炒麪隨手下攪勻上案捍開切象

眼塊子若用銅圈印之即為甘露餅

雪花酥方

油下小鍋化開濾過將炒麩隨手下攪勻不稀不稠掇鍋離火洒白糖末下在炒麩內攪勻和成一處上案捍開切象眼塊

芡什麻方

糖滴下小鍋熬至有絲先將芝蔴去皮晒乾或微炒乾碾成末隨手下在糖內攪勻和成一處不稀不稠案上



先洒芝蔴末使不沾乘熱撥在案面上仍著芝蔴末使不沾古轆槌捍開切象眼塊

黃閨方

家常亦同黑沙糖濾過同糖酒一處熬蜂蜜少許熬成晾冷隨手下炒麪案上仍着酥油捍開切象眼塊

薄荷切方

薄荷晒乾碾為細末將糖酒下小鍋熬至有絲先下炒麪少許後下薄荷末和成一處案上先洒薄荷末乘熱

上案面上仍用薄荷末捍開切象眼塊

窩絲方

用細石板上一片抹熟香  
油又用炒麪羅淨預備

糖酒下鍋熬成老絲傾在石板上用切刀二把轉遭掠起待冷將稠用手揉拔扯長雙摺一處越拔越白若冷硬於火上烘之拔至數十次轉成雙圈上案却用炒麪放上二人對扯順轉炒麪隨手傾上扯拔數十次成細絲却用刀切斷分開縮成小窩其拔糖上案時轉折成圈扯開又轉摺成圈如此數十遭即成細絲

酥兒印方

用生麩攪荳粉同和用手捍成條如筋頭大切二分長  
逐箇用小梳掠印齒花收起用酥油鍋內煤熟漏杓撈  
起來熱洒白沙糖細末拌之

蕎麥花方

先將蕎麥炒成花量多少將糖滴加蜂蜜少許一同下  
鍋不要動熬至有絲畧大步却將蕎麥花隨手下在鍋  
內攪勻不要稀了案上鋪蕎麥花使不沾將鍋內糖花

撥在案上捍開切象眼塊

羊髓方

用羊乳子或牛乳子半瓶攪水半鍾入白麩三撮濾過下鍋微微火熬之待滾隨手下白沙糖或糖霜亦可然後用緊火將木爬打一會看得熟了再濾過入壺傾在碗內入供

黑閨方

黑沙糖熬過濾淨與糖酒對半相攪下鍋熬一頓飯

時將酥油半甌在內共熬一回用炒麪隨手加花椒末少許和成一塊上案捍開切象眼塊

### 酒亭你方

用熬麼古料熬成不用核桃合上案攤開用江米末圍定銅圈印之即是酒罈你切象眼者即名白糖塊

### 椒鹽餅方

白麪二觔香油半觔鹽半兩好椒皮一兩茴香半兩三分為率以一分純用油椒鹽茴香和麪為糰更入芝麻

粗屑尤好每一餅夾穰一塊捏薄入爐又法用湯與油對半內用糖與芝蔴屑并油為穰

酥餅方

油酥四兩蜜一兩白麪一觔搜成劑入印作餅上爐或用猪油亦可蜜用二兩尤好

風消餅方

用糯米二升搗極細為粉作四分一分作粳一分和水作餅煮熟和見在二分粉一小觔蜜半觔正發酒醅兩

塊白錫同頻溶開與粉餅捍作春餅樣薄皮破不妨熬  
盤上燂過勿令焦掛當風處遇用量多少入猪油中燂  
之燂時用筋撥動另用白糖炒麪拌和得所生麻布擦  
細摻餅上

又一方只用細熟粉少許同煮捍扯攤於篩上晒至十  
分乾凡粉一斗用芋末十二兩此法簡妙

### 肉油餅方

白麪一觔熟油一兩羊猪脂各一兩切如小豆大酒二

蓋與麪搜和分作十劑捍開裹精肉入爐肉燂熟

素油餅方

白麵一觔真麻油一兩搜和成劑隨意加沙糖餡印脫  
花樣爐內炕熟

雪花餅方

用十分頭羅雪白麵蒸熟十分白色凡用麵一觔猪油  
六兩香油半觔將猪脂切作骰子塊和少水鍋內熬烺  
莫待油盡見黃焦色逐漸策出未盡再熬再策如此則



油白和麵為餅底熬盤上畧放草柴灰面鋪紙一層放餅在上燂

芋餅方

生芋妳搗碎和糯米粉為餅油煎或夾糖豆沙在內亦可或用椒鹽糖拌核桃橙絲俱可

韭餅方

帶腰猪肉作燥子油炒半熟韭生用切細羊脂剝碎花椒砂仁醬拌勻捍薄餅兩箇夾餡子燂之薺菜同法

白酥燒餅方

麵一箇油二兩好酒醅作酵俟十分發起即用揉令十分似芝麻糖者如前法每麵一箇糖二兩可做十六箇  
爇

黃精餅方

用黃精蒸熟者去衣鬚和炒熟黃豆去壳搗為末加白糖酒揉為團作餅食甚清

捲煎餅方

餅與薄餅同餡用猪肉二觔猪脂一觔或雞肉亦可大  
槩如饅頭餡須多用葱白或笋乾之類裝在餅內捲作  
一條兩頭以麵糊粘住浮油煎令紅焦色或只燂熟五  
辣醋供素餡同法

### 糖攤方

白麵八酵待發滾湯成劑切作攤子樣下十分滾油燂  
過取出糖麵內纏之其纏糖與麵對和成劑

### 肉餅方

每麵一觔用油六兩餡子與捲煎餅同拖盤爌用錫糖煎色刷面

油餛飩方

麵搜劑包餡作餛飩油煎熟餡同肉餅法

麻臙餅子方

肥鵝一隻煮熟去骨精肥各切作條子用焯熟韭菜生薑絲茭白絲焯過木耳絲笋乾絲各排碗肉蒸熟麻臙并鷺汁熱滾澆餅似春餅稍厚而小每捲前味食之

五香糕方

上白糯米和粳米二六分芡實乾一分人參白朮茯苓

砂仁總一分磨極細篩過用白沙糖滾湯拌勻上甑粉

半加芡實四兩白朮二兩茯苓二兩人參一兩砂仁一兩共為細末和之白糖一升拌入

鬆糕方

陳粳米一斗砂糖三觔米淘極淨烘乾和糖酒水入臼  
舂碎於內留二分米拌粉其粗令盡或和蜜或純粉則  
擇去黑色米凡蒸糕須俟湯沸漸漸上粉要使湯氣直

上不可外泄不可中阻其布宜疎或稻草攤甑中

裹蒸方

糯米蒸軟熟和糖拌勻用箬葉裹作小角兒再蒸

凡用香頭法

沙糖一斤大蒜三囊大者切三分帶根葱白七莖生薑  
七片麝香如豆大一粒置各件瓶底次置糖在上先以  
花箬扎之次以油單紙封重湯內煮週時經年不壞臨  
用旋取少許便香

煮砂團方

沙糖入赤豆或萊豆煮成一團外以生糯米粉裹作大團蒸或滾湯內煮亦可

粽子法

用糯米淘淨夾棗栗柿乾銀杏赤豆以茭葉或箬葉裹之一法以艾葉浸米裹謂之艾香粽子凡煮粽子必用稻柴灰淋汁煮亦有用少許石灰煮者欲其茭葉青而香也

玉灌肺方

真粉油餅芝麻松子胡桃茴香六味拌和成捲入甑蒸熟切作塊子供食美甚不用油入各物粉或麵同拌蒸亦妙

燥子肉麵法

猪肉嫩者去筋皮骨腩肥相半切作骰子塊約量水與酒煮半熟用胰脂研成膏和醬傾入次下香椒砂仁調和其味得所煮水與酒不可多其肉先下肥又次下葱白不可帶青葉臨鍋調菜豆粉作糲



餛飩方

白麵一斤鹽三錢和如落索麵更頻入水搜和為餅劑少頃操百遍摘為小塊捍開菜荳粉為拌四邊要薄入餡其皮堅塵脂不可搭在腓肉用葱白先以油炒熟則不葷氣花椒薑末杏仁砂仁醬調和得所更宜笋菜爍過萊菔之類或蝦肉蟹肉藤花諸魚肉尤妙下鍋煮時先用湯攪動置竹條在湯內沸頻頻洒水令湯常如魚津樣滾則不破其皮堅而滑

水滑麵法

用十分白麵揉搜成劑一斤作十數塊放在水內候其麵性發得十分滿足逐塊抽拽下湯煮熟抽拽得潤薄乃好麻膩杏仁膩臙笋乾醬瓜糟茄薑醃韭黃瓜絲作齏頭或加煎肉尤妙

到口酥方

用酥油十兩 白糖七兩 白麵一斤將酥化開傾盆內入白糖和勻用手揉擦半箇時辰入麵和作一處令

勻捍為長條分為小燒餅拖爐微微火焊熟食之

柿霜清膈餅方

用柿霜二斤四兩 橘皮半斤 桔梗四兩 薄荷六兩  
乾葛二兩 防風四兩 片腦一錢共為末甘  
草膏和作印餅食一方加川百藥煎一兩

鷄酥餅方

白莓肉十兩 麥門冬六兩 白糖一斤紫蘇六兩  
百藥煎四兩 人參二兩 烏梅二兩薄荷葉四兩

共為末甘草膏和勻為餅或丸上加白糖為衣

梅蘇丸方

烏梅肉二兩 乾葛六錢 檀香一錢 紫蘇葉三錢

炒鹽一錢 白糖一斤

右為末將烏梅肉研如泥和料作小丸子用

水明角兒法

白麵一斤用滾湯內逐漸撒下不住手攪成稠糊分作  
一二十塊冷水浸至雪白放桌上攤出水入豆粉對配

搜作薄皮內加糖菓為餡籠蒸食之妙甚

造果腐法

罌粟和水研細先布後絹濾去殼入湯中如豆腐漿下鍋令滾入菜豆粉攪成腐凡粟二分豆粉一分芝蔴同法

麩鮓

麩切作細條一斤紅麴末染過雜料物一升筍乾紅蘿蔔葱白皆用絲熟芝蔴花椒二錢砂仁蒔蘿茴香各半

錢鹽少許香油熟者三兩拌勻供之用各物拌之下油  
鍋炒為齏亦可

煎麩

上籠麩坏不用石壓蒸熟切作大片料物酒醬煮透晾  
乾油鍋內浮煎用之

神仙富貴餅

用白水一斤菖蒲一斤米泔水浸刮去黑皮切作片子  
加石灰一小塊同煮去苦水曝乾加山藥四斤其為末

和麵對配作餅蒸食或加白糖同和捍作薄餅蒸焊皆可自有物外清香富貴

### 造酥油法

用牛乳下鍋滾一二沸傾在盆內俟冷定面上結成酪皮將酪皮鍋內煎油出去粗傾碗內即是酥油

### 光燒餅方

燒餅每麵一斤入油兩半炒鹽一錢冷水和搜骨魯槌研開鍛上烤待硬緩火內燒熟用極脆美

復爐燒餅法

核桃肉退去皮者一斤剝碎入蜜一斤以爐燒酥油餅一斤為末拌勻捏作小團仍用酥油餅劑包之作餅入爐內燒熟

糖薄脆法

白糖一斤四兩清油一斤四兩水二碗白麵五斤加酥油椒鹽水少許搜和成劑捍薄如酒鍾口大上用去皮芝麻撒勻入爐燒熟食之香脆



酥黃獨方

熟芋切片用杏仁搥子為末和麵拌醬拖芋片入油鍋  
內燂食香美可人

高麗栗糕方

栗子不拘多少陰乾去殼擣為粉三分之一加糯米粉  
拌勻蜜水拌潤蒸熟食之以白糖和入妙甚

荊芥糖方

用荊芥細枝扎如花朶蘸糖酒一層蘸芝麻一層焙乾

用

花紅餅方

用大花紅批去皮晒二日用手壓匾又晒蒸熟收藏硬大者方好須用刀花作瓜稜

豆膏餅方

大黃豆炒去皮為末入白糖芝蔴香頭和勻為印餅食之

法製藥品類 二十四種

法製半夏

開胃健脾止嘔吐去胃中痰滿兼下肺氣

半夏

八兩圓白者切二片

晉州絳栲

四兩

丁皮

三兩

草豈薹

二兩

生薑

五兩切成片

右件洗半夏去滑焙乾三藥麤剉以大口瓶盛生薑片  
前藥一處用好酒三升浸春夏三七日秋冬一月却取  
出半夏水洗焙乾餘藥不用不拘時候細嚼一二枚服  
至半月咽喉自然香甜

法製橘皮

日華子云皮煖消痰止嗽破癥瘕痞癖

橘皮

半斤  
去穢

白檀

一兩

青鹽

一兩

茴香

一兩

石件四味用長流水二大碗同煎水乾為度揀出橘皮  
放於磁器內以物覆之勿令透氣每日空心取三五片  
細嚼白湯下

法製杏仁

療肺氣咳嗽止氣喘促腹脾不通心腹煩悶

板杏

一斤滾灰水焯過晒乾麩炒熟煉蜜拌杏仁勻用下藥末拌

茴香

炒

人參

硝砂仁

各三錢

粉草

三錢

陳皮

三錢

白芷

木香

各一錢

右為細末拌杏仁令勻每用七枚食後服之

酥杏仁法

杏仁不拘多少香油煉焦胡色為度用鐵絲結作網兜搭起候冷定食極脆美

法製硝砂

消化水穀溫暖脾胃

硝砂

十兩去皮以朴硝水浸一宿  
眼乾以麻油焙燥香熟為度

桂花

粉草

各一錢半已上共  
碾為細末

右件和勻為丸遇酒食後細嚼

醉鄉寶屑

解醒寬中化痰

陳皮

四兩

硝砂

四錢

紅豆

一兩  
六錢

粉草

二兩  
四錢

生薑 三錢

丁香 一錢

葛根 三兩已上  
共咬咀

白荳蔻仁 一兩

鹽 一兩

巴豆 十四粒 不去皮  
殼用鐵絲穿

右件用水二碗煮耗乾為度去巴豆曬乾細嚼白湯下

木香煎

木香二兩搗羅細末用水三升煎至二升入乳汁半升

蜜二兩再入銀石器中煎如稀麵糊即入羅過粳米粉

斗合又煎候米熟稠硬捍為薄餅切成棊子曬乾為度

法製木瓜

取初收木瓜於湯內焯過令白色取出放冷於頭上開  
為蓋子以尖刀取去穰了便入鹽一小匙候水出即入  
香藥官桂白芷藁本細辛藿香川芎胡椒益智子砂仁  
右件藥搗為細末一箇木瓜入藥一小匙以木瓜內鹽  
水調勻更曝候水乾又入熟蜜令滿曝直候蜜乾為度

法製蝦米

蝦米一斤去皮殼用青鹽酒炒酒乾再添再炒香熟為  
度真蛤蚧青鹽酒炙酥脆為度茴香青鹽酒炒四兩淨



椒皮四兩青皮酒炒不可過濁煮酒約二升用青鹽調和為製右先用蛤蚧椒皮茴香三味製鰕米以酒盡為度候香熟取上件和前三味一併拌勻再用南木香麝末二兩同和乘熱入器盒四圍封固候冷取用每一兩空心鹽酒嚼下益精壯陽不可盡述

香茶餅子

孩兒茶芽茶四錢檀香一錢二分白芷蔻一錢半麝香一分砂仁五錢沉香一分半片腦四分甘草膏和糯

米糊搜餅

法製芽茶

芽茶二兩一錢作母荳蔻一錢麝香一分片腦一分半  
檀香一錢細末入甘草內纏之

透頂香丸

孩兒茶茶芽各四錢白荳蔻一錢半麝香五分檀香一  
錢四分甘草膏子丸

礞砂丸

片腦五分麝香四分硼砂二錢寒水石六兩甘草膏九  
硃砂四錢為衣

山查膏

山東大山查刮去皮核每斤入白糖霜四兩搗為膏明  
亮如琥珀再加檀屑一錢香美可供又可放久

甘露丸

百藥煎一兩甘松訶子各一錢二分半麝香半分薄荷  
二兩檀香一錢六分甘草末一兩二錢五分水撥丸晒

乾用甘草膏子入麝香為衣

鹹杏仁法

用杏仁連皮以秋石和湯作滷微拌火上炒香燥食之亦妙

香橙餅子

用黃香橙皮四兩加木香檀香各三錢白芷仁一兩沉香一錢葦澄茄一錢冰片五分共搗為末甘草膏和成餅子入供

蓮子纏

用蓮肉一斤煮熟去皮心拌以薄荷霜二兩白糖二兩裹身烘焙乾入供杏仁攪仁核桃可同此製

法製榧子

將榧子用磁瓦刮黑皮每斤淨用薄荷霜白糖熬汁拌炒香燥入供

法製瓜子

燕中大瓜子用秋石化酒拌炒香燥入供

椒攪丸

百藥煎五錢烏毒八錢木瓜乾葛各二錢檀香五分甘草末五錢甘草膏為丸晒乾用

法製荳蔻

白荳蔻一兩六錢腦子一分麝香五厘檀香七分半甘草膏荳蔻作母腦麝為衣

又製橘皮

塘南橘皮甘兩鹽煮過茯苓四錢丁皮四錢甘草末七

錢砂仁三錢共為末拌皮焙乾入供

煎甘草膏子法

粉草一斤剉碎沸湯浸一宿盡入鍋內滿用水煎至半  
濾去渣紐乾取汁再入鍋慢火熬至二碗換大砂鍋炭  
火慢熬至大碗以成膏子為度其渣減水煎三兩次取  
入頭汁肉併煎


升煉玉露霜方

用真豆粉半斤入鍋火焙無豆腥先用乾淨龍腦薄荷

一斤入甑中用細絹隔住上置豆粉將甑封蓋上鍋蒸至頂熱甚霜以成矣收起粉霜每八兩配白糖四兩煉蜜四兩拌勻搗膩印餅或丸含之消痰降火更可當茶無治火症

升蓋上火熱手不可按急急收粉隨以合子密封子口勿令出氣遲則氣走成餅莫晒陰乾為妙梅月勿製多微

服食方類





高子曰余錄神仙服食方藥非泛常傳本皆余數十年  
慕道精力考有成據或得經驗或傳老道方敢鐫入石  
恐悞人知者當着慧眼寶用

### 服松脂法

採上白松脂

一斤即今之松香

桑灰汁 一石

先將灰汁一斗煮松脂 乾將浮白好脂攪入冷水  
候凝復以灰汁一斗煮之又取如上兩人將脂團圓  
扯長十數遍又以灰汁一斗煮之以十度煮完遂成

白脂研細為末每服一匙以酒送下空心近午晚日  
三服服至十兩不饑夜視目明長年不老

又一法

以松脂一斤八兩用水五斗煮之候消去濁滓取清浮  
者投冷水中如此投煮四十遍方換湯五斗又煮凡三  
次一百二十遍止不可率意便止煮成脂味不苦為度  
其軟如粉同白茯苓為粉同煉脂乘軟丸如豆每服三  
十九九十日止久當絕穀自不欲飲食矣

又一蒸法

上白松脂二十觔為一劑以大釜中著水釜上加甑甑中先用白茅鋪密上加黃山土一寸厚築實以脂放上以物密蓋勿令通氣灶用桑柴燃之釜中湯乾以熱水旋添蒸一炊久乃接取脂入冷水中候凝又如蒸如此三遍脂色如玉乃止每用白脂十觔松仁三斤栢子仁三斤甘菊五升共為細末煉蜜為丸桐子大每服十丸粥湯下日三服或一服百日已上不饑延年不老顏色

瑩潤

服雄黃法

透明雄黃

三兩聞之不臭如雞冠者佳

次用甘草

紫背天葵

地胆

碧稜花

各五兩

四味為末入東流水同雄黃砂礮

內三日漉出搗如麝粉入猪脂內蒸一伏時洗出又同

豆腐內蒸如上二次蒸時甑上先鋪山黃泥一寸次鋪

脂蒸黃其毒去盡收起成細粉每黃末一兩和上松脂

二兩為丸如桐子大每服三五丸酒下能令人久活延

年髮白再黑齒落更生百病不生鬼神呵護頂有紅光  
無嘗畏不敢近疫癘不惹特餘事耳

又製雄法

用明雄

二兩

先將破故紙

四兩

杏仁

四兩

枸杞

四兩

地

骨皮

四兩

甘草

四兩

用水二斗煎至一斗去渣留汁又

取灶上烟筒內黑流珠四兩山家灶中百草霜四兩同  
雄一處研細傾入藥汁內熬乾入羊城礮內上水下火  
打四炷香取出冷定收起每用以治心疾風痺及膈氣

咳嗽每服一分效

又一法

以黃入鴨肚煮三日夜取黃用者

服椒法

陳疇恬為之歌

青城山老人服椒得妙訣年過九十餘貌不類期耆再

拜而請之忻然為我說蜀椒二斤淨

揀去梗核及解鹽

六兩潔

其色青白龜背者良細研

鹽慢火煮透滾菊末

揀鹽在椒上用

滾湯泡過椒五寸許經宿以銀石器慢火煮止留汁  
半盞掃乾地鋪淨紙傾椒在紙上覆以新盆封以黃土

經宿取置盆內將乾菊花末六兩拌滾令均更酒所餘  
椒汁然後攤於篩子內眼乾菊須花小色黃葉厚莖紫  
氣香味甘名曰甘菊蓋可  
作羹者為真陰乾為末  
初服十五圓早晚不可輟每

月漸漸增累之至二百

初服之月早十五日晚如之次  
月早晚各二十粒第三日增十

粒至二  
百粒止

鹽酒或鹽湯任君意所歡服及半年間胃膈微

覺塞每日退十圓還至十五粒俟其無碍時數復如前

日

服半年後覺胃膈間橫塞如有物礙即每日  
退十粒退十五粒止俟其無礙所服仍如前常令氣

裏蒸否則前功失

須終始服之令椒氣早晚裏蒸  
如一日不服則前功俱廢矣

飲食

蔬果等並無所忌節一年效即見容顏頓悅澤目明而

耳聰烏鬚而黑髮補腎輕腰身固氣益精血椒溫鹽亦  
溫菊性去煩熱四旬方可服服之幸毋忽逮至數十年  
功與造化埒耐老更延年不知幾歲月

四十歲方可服  
若四十歲服至

老只如四十歲人  
顏容此其驗也

嗜慾若能忘其效尤卓絕我欲世人

安作歌故怛切

### 服狶蓂法

狶蓂俗呼火炊草春生苗葉秋初有花秋末結實近世  
多有單服者云甚益元氣蜀人服之法五月五日六月



六日九月九日採其葉去根莖花實淨洗曝乾入甑層  
層洒酒與蜜蒸之如此九過則已氣味極香美熬搗篩  
蜜丸服之云治肝腎風氣四肢麻痺骨間疼腰膝無力  
亦能行大腸氣張乖崖進呈表云誰知至賤之中乃有  
殊常之效臣吃至百服眼目清明至千服鬚鬢烏黑筋  
力較健效驗多端陳書林經驗方叙述甚詳療諸疾患  
各有湯使今人採服一就秋花成實後和枝取用洒酒  
蒸曝杵臼中舂為細末煉蜜為丸以服之

服桑椹法

桑椹利五臟關節通血氣久服不飢多收晒乾搗末蜜和為丸每日服十六丸變白不老取黑椹一升和蜋蛸一升瓶盛封閉懸屋東頭盡化為泥染白如漆又取二七枚和胡桃二枚研如泥拔去白髮填孔中即生黑髮

出本草拾遺

雞子丹法

養雞雌雄純白者不令他雞同處生卵扣一小孔傾去

黃白即以上好舊坑辰砂為末

硃砂有毒選豆辨舊砂豆腐同煮一日為末

和塊入卵中蠟封其口還令白雞抱之待雛出藥成和以蜜服如豆大每服三九日三進久服長年延算

### 蒼龍養珠萬壽紫靈丹

丹法入深山中選合抱大松樹用天月德金木井交日上腰鑿一方孔方圓三四寸者入深居松之中止孔內下邊鑿一深凹次選上等舊坑辰砂一斤明透雄黃八兩共為末和作一處綿紙包好外用紅絹囊裏縫封固

納松樹中空處以茯苓末子填塞完滿外截帶皮如孔  
大楔子敲上入用黑狗皮一片釘遮松孔恐有靈神取  
砂令山中人看守取松脂升降靈氣將砂雄養成靈丹  
入樹一年後夜間松上有螢火光二年漸大三年光焰  
滿山取出二末再研如塵棗肉為丸如梧子大先以一  
盤獻祝天地神祇後用井花水清晨服一二十丸一月  
後眼能夜讀細書半年行若奔馬一年之後三尸消滅  
九虫遁形玉女來衛六甲行厨再行陰功積德地仙可

位松乃蒼龍之精砂乃赤龍之原得天地自然升降水火之氣而成丹非人間作用其靈如何

九轉長生神鼎玉液膏

白朮

氣性柔順而補每用三斤秋冬采之去粗皮

赤朮

即蒼朮也性剛中而發每用十六兩同土製

二藥用木石臼搗碎入缸中用千里水浸一日夜山泉亦好次入砂鍋煎汁一次收起再煎一次絹濾渣淨去渣將汁用桑柴火緩緩煉之熬成膏磁罐盛貯封好入

土埋一二日出火氣用天德日服三錢一次白湯調下  
或含化俱可久服輕身延年悅澤顏色忌食桃李雀蛤  
海味等食更有加法名曰九轉

二轉加人參三兩

煎濃十二次熬膏入煎膏內

名曰長生神芝膏

三轉加黃精一斤

煎汁熬膏加入煎膏內

名曰三台益算膏

四轉加茯苓遠志

志心各八兩熬膏加入煎膏內

名曰四仙求志膏

五轉加當歸八兩

酒洗熬膏和前膏內

名曰五老朝元膏

六轉加鹿茸麋茸

各三兩研為末熬膏和前膏內

名曰六龍御天膏

七轉加琥珀

紅色如血者佳飯上蒸一吹為細末一兩和前膏內

名曰七元歸

真膏

八轉加酸棗仁

去核淨肉八兩熬膏和前膏內

名曰八神衛護膏

九轉加栢子仁

浮仁四兩研如泥八前膏內

名曰九龍扶壽丹

丹用九法加入因人之病而加損故耳又恐一并煉

膏有火候不到藥味有即出者有不易出者故古聖

立方必有妙道

玄元護命紫芝杯

此杯能治五勞七傷諸虛百損左癱右癱各色瘋疾諸邪百病昔有道人王進服之臨死見二鬼排闥視立久之而去後夢一人語之曰道者當死昨有無常二鬼來拘因公服丹砂之靈四面紅光鬼不能近而去過此公壽無量此道後活三百餘歲仙去

用明淨硃砂一斤半先取四兩入水火陽城礮打大火一日二夜取出研細又加四兩如此加添打火六次足共為細末將打火鉄燈盞改打一鉄大酒杯樣摩光作



塑懸入陽城礮內鉄杯渾身貼以金箔五層厚礮內裝砂口上加此杯蓋打大火三日夜鉄蓋上面時加水擦內結成杯在於塑上取下每用好明雄三釐研入硃杯內充熟酒服二杯一次收杯再用妙不盡述

太清經說神仙靈草菖蒲服食法

法用三月三日四月四日五月五日六月六日七月七日八月八日九月九日十月十日采之須在清淨石上水中生者仍須南流水邊者佳北流者不佳采來洗淨

細去根上毛鬚令盡復以袋盛之浸淨水中去濁汁硬  
頭薄切就好日色曝乾杵羅為細末擇天德黃道士日  
合之和法用陳糯米水浸一宿淘去米泔砂石盆中研  
細末火上煮成粥飲將前蒲朮和搜須多手為丸免得  
乾燥難九九如梧桐子大晒乾用合收貯初服十丸一  
次嚼飯一口和丸嚥下後用酒下便吃點心更佳百無  
所忌惟身體覺煖用秦朮一二錢煎湯待冷飲之即定  
蓋以朮為使也服至一月和脾消食二月冷疾盡除百

日後百疾消滅其功鎮心益氣強志壯神填髓補精黑髮生齒服至十年皮膚細滑面如桃花萬靈侍衛精邪不干永保長生度世也

神仙上乘黃龍丹方

赤石脂

十兩

牛黃

三兩

肉汁

三大升

明乳香

一斤

白蜜

一斤

甘草末

三兩

白粳米

三斗五升

分炊藥以熟為度

分作五

度

右六味將赤石脂為末以生絹夾袋子盛貯於泔水盆內浸半日以手揉搓藥袋擺在水中澄底石末刮下紙

上控乾取淨細末五兩入銀盒內盛之無銀用青白磁圓盆亦可第一次須初七八日淘米七升上甑以藥盒安米中炊之以飪熟為度收去盒蓋星辰下露一宿第一次以月望前後如上炊飪七升蒸盒夜露月明中一宿第三次以二十四日前後早晨依前法炊米七升將盒安內蒸之去蓋晒於日中取足日月星三光之氣第四次先將牛乳汁三升入砂鍋炭火逼令如魚眼沸下乳香末候化入前二次蒸過赤石脂傾入牛汁內用柳

條攪勻傾在乳鉢內細研復入原蒸盒內又用七升米  
炊之將盒安置米中米熟取起第五次以蜜二斤入砂  
鍋內慢火逼之如魚眼滾起將蒸過盒內藥物傾入蜜  
內用柳木不住手攪勻入甘草末三兩同熬帶濕便住  
再用米七升入甑安盒入米中蒸之飯熟取起以盒入  
水盆內浸盒底半日不令水入盒內取起以淨器收貯  
初服選天月德黃道吉日清晨空心焚香面東七拜好  
酒調下一匙此乃稀世延年仙丹無金石之毒亦無悞

生之理服食之後乃得四氣調和百骸舒暢功妙無窮  
但許度人不得索利則效乃神速此丹服之旬餘自覺  
藏府通快精神清爽凡風勞冷氣一切難病悉皆除去  
若服兩料則壽延百歲凡人須養脾脾養則肝榮肝榮  
則心壯心壯則肺盛肺盛則元藏實元藏實則根本固  
是為深根固蒂長生久視妙道在此藥中得矣豈尋常  
之藥物也哉合藥器用如左

大小銀盒鍋二具

小容五六兩藥盒子有蓋者  
大容五斗磁鍋有銀絕妙

新瓦

盆三箇盛一斗豆者木甑一箇容斗餘者蓋甑盆一  
隻匙新鍋灶一副 乳鉢一箇 竹木 大小二箇  
柳木鍬三五把 小笊籬一把 柴用一百斤

### 枸杞茶

於深秋摘紅熟枸杞子同乾麵拌和成劑捍作餅樣晒  
乾研為細末每江茶一兩枸杞子二兩同和勻入煉化  
酥油三兩或香油亦可旋添湯攪成膏子用鹽少許入  
鍋煎熟飲之甚有益及明目

益氣牛乳方

黃牛乳最宜老人性平補血脈益心氣長肌肉令人身體康強潤澤面目光悅志不衰故人常須供之以為常食或為乳餅或為乳飲等恒使恣意充足為度此物勝肉遠矣

鉄甕先生瓊玉膏

此膏填精補髓腸化為筋萬神俱足五臟盈溢髮白變黑返老還童行如奔馬日進數服終日不食亦不饑開



通強志日誦萬言神識高邁夜無夢想服之十劑終其  
欲修陰功成地仙矣一料分五處可救五人癰疾分十  
處可救十人癆疾修合之時沐浴洗心勿輕示人

新羅參

二十四兩去蘆

生地黄

一十六斤取汁

白茯苓

四十九兩去皮

白沙蜜

十斤煉淨

右件人參茯苓為細末用蜜生絹瀘過地黄取自然汁  
搗時不用銅鉄器取汁盡去滓用藥一處拌和勻入銀  
石器或好磁器內封用淨紙二三十重封開入湯內以

桑柴火煮三晝夜取出用蠟紙數重包瓶口入井中去  
火毒一伏時取出再入舊湯內煮一日出水氣取出開  
封取三匙作三盞祭天地百神焚香設拜至誠端心每  
日空心酒調一匙頭服原方如此但癆嗽氣盛血虛肺  
熱者不可用人參

地仙煎

治腰膝疼痛一切腹內冷病令人顏色悅澤骨髓堅固  
行及奔馬

山藥

一斤

杏仁

一斤湯泡  
去皮尖

生牛乳

二斤

右件將杏仁研細入牛乳和山藥拌絞取汁用新磁瓶  
密封湯煮一日每日空心酒調服一匙頭

### 金水煎

延年益壽填精補髓久服髮白變黑返老還童

枸杞子

不以多少採紅熟者

右用無灰酒浸之冬六日夏三日於砂盆內研令極細  
然後以布袋絞取汁與前浸酒一同慢火熬成膏于淨

磁器內封貯重湯煮之每服一匙入酥油少許溫酒調下

天門冬膏

去積聚風痰癰疾三虫伏尸除瘟疫輕身益氣令人不  
饑延年不長

天門冬 不以多少皮去心去根髮洗淨

右件搗碎布絞取汁澄清濾過用磁器沙鍋或錫器慢  
火熬膏每服一匙空心溫酒調下

不畏寒方

取天門冬茯苓為末或酒或水調服之每日頻服大寒時汗出單衣忘冷

服五加皮說

舜嘗登蒼梧曰厥金玉香草即五加皮也服之延年故曰寧得一把五加不用金玉滿車寧得一斤地榆不用明月寶珠昔魯定公母單服五加皮酒以致延生如張子聲揚始建王叔才于世彥等皆古人服五加皮酒房

室不絕皆壽考多子世世有服五加皮酒而獲年壽者

甚衆

山東華真  
人煮石經

服松子法

不以多少研為膏空心溫酒調下一匙日三服則不饑  
渴久服日行五百里身輕體健

服槐實法

於牛膽中漬浸百日陰乾每日吞一枚百日身輕千日  
白髮自黑久服通明

服蓮花法

七月七日採蓮花七分八月八日採蓮根八分九月九日採蓮子九分陰乾服之令人不老

服食松根法

取東行松根剝取白皮細剉曝燥搗篲飽食之可絕穀渴則飲水

服食茯苓法

茯苓削去黑皮搗末以醇酒於瓦器中漬令淹足又瓦

器覆上密封沈塗十五日發當如餌食造餅日三亦可  
屑服方寸七不饑渴除病延年

服食朮法

於潛朮一石淨洗擣之水二石漬一宿煮減半加清酒  
五升重煮取一石絞去滓更微火煎熬納大豆末二升  
天門冬末一升攪和丸如彈子旦服三九日一或山居  
遠行代食耐風寒延壽無病此崔野子所服法天門冬  
去心皮也



服食黃精法

黃精細切一石以水二石五升一云六石微火煮旦至  
夕熟出使冷手搗碎布囊搾汁煎之滓曝燥擣末合向  
釜中煎熬可為丸如鷄子服一九日三服絕穀除百病  
身輕體健不老少服而令有常不須多而中絕渴則飲  
水云此方最佳出五符中

又法

取黃精擣捩取汁三升若不出以水澆搾取之生地黃

汁三升天門冬汁三升合微火煎減半納白蜜五斤復煎令可丸服如彈丸日三服不饑美色亦可止搾取汁三升湯上煎可丸日食如雞子大一枚再服三十日不饑行如奔馬天門冬去心皮

服食萎蕤法

常以二月九日採葉切乾治服方寸匕日三亦依黃精作餌法服之導氣脉強筋骨治中風跌筋結肉去面皺好顏色久服延年神仙

服食天門冬法

乾天門冬十斤杏仁一升擣末蜜溲服方寸匕日三夜  
一廿始所服名曰仙人糧

服食巨勝法

胡麻肥黑者取無多少簸治蒸之令熱氣周徧一炊頃  
便出曝明旦又蒸曝凡九過止烈日亦可一日三蒸曝  
三日凡九過燥訖以湯水微沾於臼中擣使白復曝燥  
簸去皮熬使香急手擣下粗篩隨意服日二三升亦可

以蜜丸如鷄子大日服五枚亦可飴和之亦可以酒和服稍稍自減百日無復病一年後身面滑澤水洗不着肉五年水火不害行及奔馬

神仙餌茯苓方

茯苓一石常以七八月熟收之採來曝乾先入臼舂去刺然後為細末每服二匙新水調下日進三服勿令斷絕服之長生服一年後冬不寒夏不熱服之二年老返少頭白再黑齒落更生服至三年身輕延壽

神仙服槐子延年不老方

常以十月上巳日取在新磁器內盛之以盆合其上密泥勿令走氣三七日開取去皮從月初日服一粒以水下日加一粒直至月半却減一粒為度終而復始令人可能夜看細書久服此氣力百倍

辟穀住食方

秣米 一斗 藤油 六兩 炒冷 鹽末 川薑 小椒 各等分 十兩 蔓菁

子 三升 乾大棗 五升

右六味為細末每服一大匙新水調下日進三服如饑渴漸有力如喫諸般果木茶湯任意不可食肉大忌也  
食品大忌有八

走死的馬

飲殺的驢

脹死的牛

紅眼的羊

自死的猪

有彈的鱉

懷胎的兔

無鱗的魚

古書云皆不可食之若食之者生百疾也

辟穀方

永寧二年二月十七日黃門侍郎劉景先表言臣遇太

白山隱士得此方臣聞京師米糧大貴宜以此濟之令

人不饑耳目聰明顏色光澤如有誑妄臣一家甘受刑

戮四季用黑豆五升淨洗後蒸三遍曬乾去皮又用大

火麻子三升湯浸一宿漉出曬乾膠水拌晒去皮淘淨

蒸三遍碓搗次下豆黃共為細末用糯米粥合和成圓

如拳大入甑蒸從夜至子住火至寅取出於磁器內盛

蓋不令風乾每服三塊但飽為度不得食一切物第一

頓七日不饑第二頓七七日不饑第三頓三百日不饑  
容顏佳勝更不憔悴渴即研火麻子漿飲更滋潤臟腑  
若要重喫物用葵子三合杵碎煎湯飲開導胃腕以待  
沖和無損此方勒石漢陽軍大別山太平興國寺

紫霞杯方

此至妙秘方

此杯之藥配合造化調理陰陽奪天地沖和之氣得水  
火既濟之方不冷不熱不緩不急有延年却老之功脫  
胎換骨之妙大能清上補下升降陰陽通九竅殺九虫



除夢泄悅容顏解頭風身體輕健臟腑和同開胃隔化  
痰涎明目潤肌膚添精蠲疝墜又治婦人血海虛冷赤  
白帶下惟孕婦不可服其餘男婦老少清晨熱酒服二  
三杯百病皆除諸藥無出此方

碎破每取杯藥一分研入酒中充服以杯料盡再用另服

用久杯薄以糠皮一挽坐杯於中瀉酒取飲若

真珠一錢 琥珀一錢 乳香一錢 金箔二十張 雄黃一

錢 陽起石一錢 香白芷一錢 硃砂一錢 血結一錢 片

腦一錢 樟腦一錢 傾入麝香七分 甘松一錢 三奈一錢

紫粉 一錢 赤石脂 一錢 木香 一錢 安息 一錢 沉香 一

錢 沒藥 一錢

製硫法用紫背浮萍於罐內將硫黃以絹袋盛懸繫於  
罐中煮滾數十沸取出候乾研末十兩同前香藥入銅  
杓中慢火溶化取出候火氣少息用好樣銀酒鍾一箇  
周圍以布紙包裹中間一孔傾硫黃於內手執酒鍾旋  
轉以勻為度仍投冷水盆中取出有火症者勿服

昇玄明粉法

好淨皮硝五斤皂角半片白蘿蔔十數斤切片用水大半  
罈煮滾十數次澆出蘿蔔勿用仍切蘿蔔再煮如此  
三四次以蘿蔔無鹹味為度再用稀絹濾去渣以鍋盛  
之露一宿次日鍋中皆牙硝取出以綿紙袋盛裹懸於  
常風去處自化成粉夏月每粉一兩用甘草末一錢和  
之每服一錢沸湯調下大能解暑熱化頑結心痰從後  
瀉出痰火聖藥

河上公服芡實散方

乾雞頭實 去

忍冬莖葉

揀無虫汚新肥者即金銀花也

乾藕 各

一斤

右三味為片段於甑內炊熟曝乾擣羅為末每日食後冬湯浸水服一錢七久服益壽延年身輕不老悅顏色壯肌膚健脾胃去留滯功妙難盡久則自知

服天門冬法

取天門冬二斤熟地黄一斤搗羅為末煉蜜為丸如彈子大每服三丸以溫酒調下日三服久服強骨髓駐容

顏去三尸斷穀輕身延年不老百病不生若以茯苓等  
分為末同服天寒單衣汗出忌食鯉魚并腥羶之物

### 服藕食莖法

味甘平寒無毒主補養神益氣力除百疾久服輕身耐  
老不饑延年一名水芝按藥性論云藕汁亦單用味甘  
能消淤血不散節擣汁吐血及鼻血不止並皆治之又  
云蓮子性寒主治血不足傷中氣絕利益十二經脉血  
氣生食有寒氣蒸食之良又熟去心為末蠟蜜和丸日

服數丸令人不饑此方仙家用爾陳藏器云荷葉味苦  
平無毒主安胎去惡血留好血血痢煮即止荷葉并蒂  
及蓮房主血脹腹痛產後淤血不下酒煮服又食野菌  
毒用水煮服藕粉深處曾製取麤者洗淨搗爛布絞取  
汁以疎布再濾過澄去上清水如汁稠難澄添水攪勻  
定為粉服之輕身延年

硃砂雄黃杯法

碾好辰砂為細末白蠟溶開入砂傾入酒杯內如前法

取起成杯有寧心安神延年益筭又有用雄黃者亦如此法有解毒辟百虫之力然此杯皆不如紫霞杯之妙也

神仙巨勝丸方

輕身壯陽却老還童去三尸下九虫除萬病

巨勝

酒浸一宿  
九蒸九暴

牛膝

酒浸  
切焙

巴戟天

酒洗

天門

冬

去心  
焙

熟乾地黄

焙

柳桂

去皮

酸棗仁

覆

盆子

菟絲子

酒浸別  
搗焙乾

遠志

去心

菊花

人參

白茯苓

去黑  
各一

右一十四味揀擇淨搗羅為末煉蜜為丸如梧桐子大  
每服空心溫酒下二十九服一月

服栢實方

右於八月合取栢房曝之令坼其子自脫用冷水淘取  
沉者控乾輕椎取仁搗羅為細末每服二錢匕酒調下  
冬月溫酒下早晨日午近晚各一服稍增至四五錢加  
菊花末等分蜜丸如梧桐子大每服十九二十九日三



服酒下

服食大茯苓丸方

白茯苓

去黑皮

茯神

抱木者去木

大棗桂

去皮者佳

人參

白朮

遠志

去心炒黃

細辛

去苗葉

石菖蒲

一寸九節者米泔浸

三日日換泔水碎切曝乾上八味各十二兩

甘草

八兩水煎擘破炙

乾薑

五兩炮裂

右十一味搗羅為末煉蜜黃色掠去沫停冷拌和為丸如彈子大每服一九久服不饑不渴若曾食生菜果子食冷水不消者服之立愈五藏積聚氣逆心腹切痛結

氣腹脹吐逆不下食生薑湯下羸腹飲食無味酒下欲求仙未得諸大丹者皆須服之若不絕房室不能斷穀者但服之去萬病令人長生不老合時須辰日辰時於空室中衣服潔淨不得令雞犬婦人孝子見之


李八百杏金丹方

取肥實杏仁五斗以布袋盛用井花水浸三日次入甑中以帛覆之上鋪黃泥五寸炊一日去泥取出又於粟中炊一日又於小麥中炊一日壓取油五升澄清用銀

餅一隻打如水餅樣如無銀者用好砂礮為之入油在內不得滿又以銀圓葉可餅口大小蓋定銷銀汁灌固口縫入於大釜中煮七復時常撥動看油結打開取藥入器中火消成汁傾出放冷其色如金後入臼中擣之堪丸即丸如黃米大空心且暮酒下二十九或用津液下二十九久服保氣延年髮白變黑能除萬病

杏金丹符

符丹金杏



合藥時朱書此符三道衣領中帶之

輕身延年仙術丸方

蒼朮米泔浸夏秋三日春七日去皮洗淨蒸半日作片  
焙乾石栢搗為末煉蜜為丸如梧桐子大每日早晨日  
午酒下五十丸

枸杞煎方

採枸杞子不拘多少去蒂清水淨洗淘出控乾用夾布  
袋一枚入枸杞子在內於淨砧上搥壓取自然汁澄一  
宿去清石器內慢火熬成煎取出瓷器內收貯服半匙  
頭溫酒調下明目駐顏壯元氣潤肌藏久服大有益如  
合時天色稍暖其壓下汁更不用經宿其煎熬下三兩  
年並不損壞如久遠服多煎下亦無妨也

保鎮丹田二精丸方

用黃精

去皮

枸杞子

各二斤

右二味各八九月間採取先用清水洗黃精一味令淨  
控乾細剉與枸杞子相和杵碎拌令勻陰乾再搗羅為  
細末煉蜜為丸如梧桐子大每服三五十九空心食前  
溫酒下常服助氣固精補鎮丹田活血駐顏長生不老

萬病黃精丸方

用黃精

十斤淨洗  
蒸令爛熟

白蜜

三斤  
天門冬

三斤去心  
蒸令爛熟

右三味拌和令勻置於石臼內搗一萬杵再分為四劑  
每一劑再搗一萬杵過爛取出丸如梧桐子大每三十

九溫酒下日三不拘時服延年益氣治療萬病久服可  
希出世

却老七精散方

用茯苓天之精

三兩

地黃花地之精

桑寄生木之精

各二兩

菊花月之精

一兩三分

竹實日之精

地膚子星之精

車前子雷之精

各一兩二分

右七種上應日月星辰欲合藥者以四時旺相日光齋

戒九日別於靜室內焚香修合擣羅為細散每服三方寸匕以井花水調下面向陽服之須陽日一服陰日二服滿四十九日即能固精延年却除百病聰明耳目甚驗地黃花須四月採竹實似小麥

去三尸滅百蟲美顏色明耳目雄黃丸

用雄黃

透明如雞冠不雜石搗羅一兩

松香

採明淨純白者水中煮一二炊將浮起者取用如前法

右二物和勻杵為丸彈子大每早酒下一丸服十日三尸百虫自下出人面紫黑氣色皆除服及一月百病自



瘥常須清淨勿損藥力



